



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Capvt VII. Prima Ecclesiasticorum Dignitas, quod intimi coniunctissimique
Dei ac Christi Domini ministri.

urn:nbn:de:hbz:466:1-42349

CAPVT VII.

PRIMA ECCLESIASTICORVM DI-
gnitas, quod intimi sint coniunctissimi que
Dei ac Christi Domini ministri.

§. **E** Sse Dei famulum, quæ quâtaq; honoris sit am-
plitudo, declarat illa Dei promissio. *Isaia 61. v. 6.*
Honoru ergo appellatur qui Dei ser- uus in S. Li- beris. Vos autem sacerdotes Domini vocabimini, ministri Dei nostri
dicetur vobis. Et *Ioelis 1. v. 9.* Perit Sacrificium & Libatio de
domo Domini. Luxerunt sacerdotes ministri Domini. & *cap. 2.*
v. 17. Inter vestibulum & altare plorabunt sacerdotes ministri
Domini.

§. Esse vel fuisse seruum Domini præclarissimus est
Principum & Regum in Scriptura titulus, quo & sibi
longe gratissimos ornat Deus. *Genes. 26. v. 24.* Ego sum
Deus Abraham patris tui, noli timere, quia ego tecum sum: be-
nedicam tibi, & multiplicabo semen tuum propter seruum me-
um Abraham. *Num. 12. v. 7. 8.* Seruus meus Moyses fidelissimus.
Quare ergo non timuistis detrahere seruo meo Moysi? *Num. 14.*
v. 24. Seruum meum Caleb, qui plenus alio spiritu secutus est
me, inducam in terram hanc quam circuiuit, & semen eius pos-
sidebit eam. *Iosue 1. v. 7. 2. Reg. 3. v. 18.* In manu serui mei Dauid
saluabo populum meum Israel. *3. Reg. 11. v. 13. 32. 34.* Ter repe-
tetur propter seruum meum Dauid. Et *cap. 14. v. 8.* Non
fuiſti sicut seruus meus Dauid, qui secutus est me in toto
corde suo.

Dei seruus, maxima li- bertas. §. De hac sanctus Augustinus comment. in *Psal. 99. v. 1.* *Li- ber- tas.* Dilate Deo omnis terra, seruite Domino in leticia: libera, inquit
seruitus est apud Dominum, libera seruus ubi non necessitas, sed
caritas seruit: simul es seruus, & liber. Seruus, quia factus es, liber,
quia amaris à Deo, à quo factus es: imo etiam inde liber, quia
amas eum à quo factus es. Seruus es Domini, libertus es Domini,
non te sit queras manumitti, vt recedas à domo manumissoris
tui. §. San-

§. Sancto Augustino familiaris S. Hieronym. commen-
tario suo in Titianam epistolam ab initio. Hæc seruitus non
est illa, de qua ipse Apostol. ait: Rom. 8. v. 15. Nec enim ac-
cepistis spiritum seruitutis iterum in timore, sed accepistis spiri-
tum adoptionis, in quo clamamus, Abba pater: verum nobilis
seruitus, de qua & Dauid ad Deum loquitur: Psal. 115. vers. 6.
Ego seruus tuus & filius Ancillæ tuæ. Et Beata Maria ad Ange-
lum: Luca 1. Ecce Ancilla Domini fiat mihi secundum verbum
tuum. Hanc seruitutem habuit & Moyses, de quo Dominus ad
Iesum filium Naue: Iosue 1. v. 2. Moyses, inquit, famulus meus
mortuus est. Et in alio loco. Deut. 34. v. 5. Mortuus est Moyses
famulus Domini in terra Moab per verbum Domini. Absit quip-
pe ut spiritum seruitutis Moysen & Mariam in timore, & non
in dilectione Dei habuisse credamus. Nec mirum quamuis san-
ctos homines, tamen Dei seruos nobiliter appellari, cum per Esai-
am prophetam Pater loquatur ad Filium c. 48. 49. secundum
70. Magnum tibi est vocari te puerum meum, Id est, seruum
Dei seruū.
Vnde & Abdias propheta, qui interpretatur seruus
Domini, ex famulatu Dei nomē accepit. Si moueat quempiam,
Dominum Saluatorem, qui vniuersitatis est conditor, seruū
Dei dici: non mouebitur, si ipsum ad Apostolos audierit loquen-
tem: Matth. 20. v. 27. 28. qui voluerit inter vos esse maior, sit
omnium seruus. Et filius hominis venit, non ut ministraretur
sibi, sed ut ministraret, quod ne docere tantum verbis videretur,
monstrauit exemplo. Ioan. 13. v. 4. 5. Assumpto quippe linteo, ac-
cinxit se, & aqua pedum replens, discipulorum pedes lauit. 1.
Philip. 2. v. 7. Non est itaque impium credere eum qui formam
serui assumpserat, hæc fecisse, quæ serui sunt, ut paterna volunta-
ti seruasse dicatur, cum seruis suis ipse seruiet. Hæc autem serui-
tus charitatis est, per quam nobis inuicem seruire precipimur.
Galat. 5. v. 13. Et ipse Apostolus cum esset liber ex omnibus, omni-
um se seruū fecit. 1. Cor. 9. v. 19. Et in alio loco: 2. Corinth. 4. 5.
Vester, inquit, seruus propter Christum. Seruus Dei ille est, qui
non est seruus peccati. Omnis enim qui facit peccatum, seruus
est peccati. Apostolus igitur, qui peccati non fuit seruus, recte Dei

Duplex Dei
seruus ex
metu & a-
more.
Honestissima
& clarissima
Dei seruitus.

Quis Dei
seruus.

Patris vocatur seruus & Christi. Porro quod ait ibidem Tit. 1. v. 1. Apostolus autem Iesu Christi, tale mihi videtur, quale si dixisset: praefectus pratorio Augusti Caesaris, Magister exercitus Tiberii Imperatoris. Vt enim iudices seculi huius quo nobiles esse videantur, ex Regibus quibus seruiunt, & ex dignitate qua intumescunt vocabula sortiuntur: ita & Apostolus grandem inter Christianos sibi vindicans dignitatem, Apostolum se Christi titulo prenotauit, vt ex ipsa lectione nominis autoritate terreret, indicans omnes qui in Christo crederent, debere sibi esse subiectos; nec non quod paulo ante scriptum posuimus, ad Roman. cap. 1. v. 1. Seruus Iesu Christi, non differt ab eo si dixisset, seruus sapientiae, seruus iustitiae, seruus sanctificationis, seruus redemptionis: Christus quippe factus est nobis à Deo pater sapientiae, iustitiae, sanctificatio & redemptio, 1. Cor. 1. v. 20.

§. Seruire Deo regnare est, & tanto praestantius regnum, quāto seruitus haec familiarior, qualis est clericorum. Proximè coram Deo assistere, eique famulari, vt maximum bonum praedicatur. Tobiae 12. v. 15. Ego sum Raphael Angelus, vnus ex septem, qui astamus ante Dominum. Nabuchodonosor Rex Regio sanguine natos & Principum fatu editos, maculae ac vitii expertes, forma decoros, omni sapientia & disciplina eruditos pueros, sibi in palatio assistere & ministrare voluit. Daniel. 1. v. 3. Si quis mihi ministrauerit, ait Dominus Ioann. cap. 12. v. 26. Honorificabit eum Pater meus, qui in caelis est.

§. Et tamen, ô vacordia, multos honorificentissimæ Dei pudet seruitutis. Incedunt sericari, gladiati, torquati, annulati, cincinnati, armillati, lobbati, plumati. Cur? ne agnoscantur Clerici, ne videantur esse serui Dei. Sed qui Dei erubescunt seruitutem, cœlestem à Domino non praestolentur mercedem.